

JAVNO PREDUZEĆE „KOMUNALNO“ D.O.O. BREZA

ZAVNOBIH-A BR.6 71370 BREZA

Broj: 05-1922-7/26

Breza, 21.08.2026. godine.

Na osnovu člana 64. stav (1) tačka b), člana 65., člana 69. stav (1). te člana 70. st. (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), a na osnovu Zapisnika o pregledu i ocjeni ponuda broj: 05-1922-5/26 od 19.08.2026. godine i Preporuke Komisije za javnu nabavku broj: 05-1922-6/26 od 19.08.2026. godine, u postupku javne nabavke usluga: „Usluge održavanja i popravke pumpnog postrojenja „Medića Pumpa““, odgovorno lice ugovornog organa donosi:

O D L U K U

o izboru najpovoljnijeg ponuđača za javnu nabavku usluga „Usluge održavanja i popravke pumpnog postrojenja „Medića Pumpa““

Član 1.

Prihvata se Preporuka Komisije za javnu nabavku broj: 05-1922-6/26 od 19.08.2026. godine te se Okvirni sporazum za javnu nabavku usluga „Usluge održavanja i popravke pumpnog postrojenja „Medića Pumpa““ dodjeljuje ponuđaču KBA Servis d.o.o. Brčko, ID broj: 4600357840009, sa sjedištem na adresi Gorice bb, 76100 Brčko, za ponuđenu cijenu u iznosu od 89.735,00 KM bez PDV-a, u skladu sa ponudom broj: P-223-JM/26 od 13.08.2026. godine.

Sa izabranim ponuđačem zaključit će se Okvirni sporazum na period od 24 (dvadesetčetiri) mjeseca u skladu sa uslovima definisanim u tenderskoj dokumentaciji.

Član 2.

- (1) Prijedlog Ugovora dostavit će se na potpis izabranom ponuđaču u skladu sa članom 98. stav (2) tačka a) Zakona o javnim nabavkama BiH, s obzirom da je u postupku učestvovao samo jedan ponuđač, te nije objavljeno ex ante obavještenje o transparentnosti.
- (2) Budući da je izabrani ponuđač u sklopu svoje ponude već dostavio sve tražene dokaze iz člana 45. Zakona o javnim nabavkama BiH (lična i poslovna sposobnost), a koji su ocijenjeni kao potpuni, uredni i validni, ponuđač nema obavezu naknadnog dostavljanja dokumentacije po osnovu člana 45. Zakona.

Član 3.

Za izvršenje ove odluke zadužuju se i ovlašćuju PJ „Održavanje i nabavka“, PJ „Vodovod“ i PJ „Direkcija“ svako u okviru svoje nadležnosti.

Član 4.

Ova odluka objavit će se na web-stranici: <http://jpkbreza.com/> istovremeno sa upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-1922/26 od 22.07.2026. godine.

Javna nabavka provedena je putem otvorenog postupka javne nabavke.

Procijenjena vrijednost javne nabavke usluga: „Usluge održavanja i popravke pumpnog postrojenja „Medića Pumpa““ iznosila je 90.000,00 KM bez PDV-a.

Obavještenje o nabavci broj: 2818-1-2-83-3-25/26 objavljeno je na Portalu javnih nabavki dana od 23.07.2026. godine i u „Službenom glasniku BiH“ broj 54/26 od 31.07.2026. godine.

Na osnovu objavljenog obavještenja na Portalu javnih nabavki, tendersku dokumentaciju sa portala E-nabavke preuzeo je 8 (osam) ponuđača.

Izveštaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem direktora broj: 05-1922-2/26 od 13.08.2026. godine.

Komisija za javnu nabavku je dana 20.08.2026. godine dostavila Zapisnik o pregledu i ocjeni ponuda (broj: 05-1922-5/26 od 19.08.2026. godine) i Preporuku o izboru najpovoljnijeg ponuđača za javnu nabavku usluga: „Usluge održavanja i popravke pumpnog postrojenja „Medića Pumpa““ (broj: 05-1922-6/26 od 19.08.2026. godine).

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan)
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponuda ponuđača KBA Servis d.o.o. Brčko prihvatljiva ponuda i u potpunosti ispunjava sve uslove definisane tenderskom dokumentacijom.

Ponuđač je dostavio sljedeću cijenu ponude:

Redni broj	Naziv/ime ponuđača	Ponuđena cijena bez PDV-a	PDV (17%)	Ponuđena cijena sa PDV-om
1.	KBA Servis d.o.o. Brčko	89.735,00 KM	15.254,95 KM	104.989,95 KM

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

S obzirom na to da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama i članom 4. stav (2) Pravilnika o uslovima i načinu korištenja e-Aukcije ("Službeni glasnik BiH" broj 80/23).

U skladu sa opštim pravilom iz člana 98. stav (1) Zakona o javnim nabavkama BiH, ugovorni organ ne može potpisati ugovor o javnoj nabavci u roku od 15 dana od dana kada su ponuđači obavješteni o izboru najpovoljnijeg ponuđača.

Međutim, u konkretnom postupku javne nabavke usluga: „Usluge održavanja i popravke pumpnog postrojenja „Medića Pumpa““ u potpunosti su ispunjeni uslovi za primjenu izuzeća iz člana 98. stav (2) tačka a) Zakona o javnim nabavkama BiH. Navedenom zakonskom odredbom je propisano da se zabrana zaključenja ugovora u roku od 15 dana ne primjenjuje ako je u postupku javne nabavke učestvovao samo jedan ponuđač čija je ponuda izabrana, pod uslovom da nije objavljeno ex ante obavještenje o transparentnosti.

S obzirom na to da je u predmetnom postupku zaprimljena, analizirana i ocijenjena samo jedna ponuda, te kako ex ante obavještenje nije objavljivano, ugovorni organ nema zakonsku obavezu čekanja isteka suspenzivnog roka od 15 dana.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, br: 39/14, 59/22 i 50/24).

Obradila:

Neira Hasanspahić

DOSTAVLJENO:

1 x KBA Servis d.o.o. Brčko
1 x Direktor JP „Komunalno“ d.o.o. Breza
1 x PJ „Održavanje i nabavka“
1 x Direkcija
1 x Web stranica preduzeća
1 x a/a



Direktor:

ma. Ennin Likić dipl.ing.maš.